

<><><><><><>

Headlines

- 1 संसद दे बजट सत्र थ्वां पैहले अज्ज सरकार नै सर्व दलीय बैठक लाई।
- 2 वक्फ संशोधन बिल पर संसद दी सांझी समिति आसेआ अपनी रिपोर्ट लोकसभा अध्यक्ष ओम बिरला होरें गी सौंपी गई।
- 3 राष्ट्र अज्ज महात्मा गांधी होरें गी उंदी 77मीं पुण्यतीथि पर श्रद्धांजलि भेंट करा करदा ऐ।
- 4 मुखमंत्री उमर अब्दुल्ला होरें MICE च उद्योगी नेताएं कन्ने केई सारियां बैठकां लाइयां।
- 5 सेहत मंत्री सकीना इतू होरें टी.बी उन्मूलन सरबन्धी 100 दिनें दे कार्यक्रम दी अमलावरी ते ओदी प्रगति दा जायजा लैता।

<><><><><><>

All Party Meet

संसद दा बजट सत्र कल्लै थमां शुरु होआ र'दा ऐ। इसदे थ्वा पैहले अज्ज सर्वदलीय बैठक बुलाई गई। कल राष्ट्रपति द्रौपदी मुर्मू होर बजट सत्र दे पैहले दिन कल संसद दे दोनें सदनें गी सांझी तौर पर सम्बोधित करडन। बजट सत्र दा पैहला चरण शुक्रवार सोयां शुरु होईऐ 13 फरवरी तक चलोग ते सत्र दा दुआ चरण 10 मार्च सोयां 4 अप्रैल 2025 तक चलोग। बैठक च लोकसभा च सदन दे उपनेता ते रक्षा मंत्री राजनाथ सिंह, राज्यसभा च सदन दे नेता ते सेहत मंत्री जे.पी नड्डा, संसदीय मामलें दे मंत्री किरन रिजिजू, कांग्रेस सांसद जयराम रमेश ते गौरव गोगोई, टीएमसी सांसद सुदीप बंद्योपाध्याय, समाजवादी पार्टी दे सांसद राम गोपाल यादव, बीजू जनता दल दे सस्मित पात्रा ते डी एम दे सदस्य टी आर बालू सनें केई होर सदस्य मौजूद हे।

<><><><><><>

JPC

वक्फ (संशोधन) विधेयक, 2024 पर संसद दी सांझी समिति ने अज्ज अपनी रिपोर्ट लोकसभा दे स्पीकर ओम बिरला होरें गी सौंपी। सांसद जगदम्बिका पाल हुन्दी अध्यक्षता च वक्फ संशोधन विधेयक 2024 कन्नै सरबन्धित संयुक्त संसदीय समिति नै संसद भवन च लोकसभा अध्यक्ष हुन्दे कन्ने मलाटी कीती ते उनें गी अपनी रिपोर्ट सौंपी। वक्फ कानूनें दे संशोधनें गी लेईए कायम संयुक्त संसदीय समिति (जेपीसी) दी रिपोर्ट गी 11 वोटें दी तुलना च 15 वोटें दे बहुमत कन्नै स्वीकार करी लैता गेआ। इसदे च बीजेपी आस्सेआ दिते गेदे सुझाएं गी बी शामिल कीता गेआ ऐ। बी जे पी आस्सेआ इस बिल गी पिछले बरे अगस्त महीनें लोकसभा च पेश कीता गेआ हा। इसदा मकसद वक्फ सम्पतिएं च पार्दशिता , जवाबदेई यकीनी करना हा। वक्फ कानूनों को लेकर संशोधनों को लेकर गठित संयुक्त संसदीय समिति (जेपीसी) की रिपोर्ट को 11 मतों की तुलना में 15 मतों के बहुमत से स्वीकार कर लिया गया। कमेटी के अध्यक्ष जगदंबिका पाल ने गुरुवार को यह रिपोर्ट लोकसभा अध्यक्ष ओम बिरला को सौंप दी। दुई पेठा मुस्लिम समुदाय ने इसी मुस्लिमान समुदाय दे लोकें दे संवैधानिक अधिकारें पर प्रहार करार दिता हा ते इसी वक्फ दे कम्म काज च दखल मन्नेआ हा।

<><><><><><>

Gandhi Death Anniversary

पूरा राष्ट्र अज्ज महात्मा गांधी हुंदी 77मीं पुण्यतीथि उप्पर श्रद्धांजलि भेंट करा रदा ऐ। इस मौके उप्पर अज्ज बड़लै नमीं दिल्ली च गांधी समाद्धि, राजघाट च सर्व धर्म प्रार्थना दा आयोजन कीता गेआ। राष्ट्रपति द्रौपदी मुर्मू होरें अज्ज राष्ट्रीय राजधानी च महात्मा गांधी हुंदी समाद्धि पर श्रद्धांजलि अर्पित कीती। प्रधानमंत्री नरेंद्र मोदी ते विपक्ष दे नेता राहुल गांधी होरें बी महात्मा गांधी होरें गी श्रद्धांजलि भेंट कीती। इस मौके पर केंद्री मंत्री राजनाथ सिंह, मनोहर लाल खट्टर, त्रौनें सेनाएं दे प्रमुख ते चीफ ऑफ डिफेंस स्टाफ बी उत्थे मौजूद हे। हर बरे 30 जनवरी गी राष्ट्र महात्मा गांधी होरें गी श्रद्धांजलि भेंट करदा ऐ जिनें भारत दे आजादी दे संघर्ष दा मार्गदर्शन कीता हा। इस दौरान जम्मू च गांधी ग्लोबल दे प्रधान पदमश्री डॉ. एस.पी वर्मा होरें महात्मा गांधी हुंदी पुण्यतीथि पर

इक कार्यक्रम दा आयोजन कीता जेदे च महात्मा गांधी हुंदे शांति ते सौहार्द दी शिक्षाएं गी बढ़ावा दिता गेआ। इस मौके उपराज्यपाल मनोज सिन्हा होर मुख परौहने हे। मुख सचिव अटल डुल्लू, डिविजनल कमिशनर रमेश कुमार, कई विधायक ते होरनें अधिकारी बी मौजूद हे। मीडिया आहलें कन्नै गल्लबात करदे होई एल.जी मनोज सिन्हा होरें आखेआ।

इस दौरान शांतिदूत सम्मेलन बी आयोजित कीता गेआ जेदे च जिम्मेवार नागरिकें ते स्कूली बच्चें हिस्सा लैता। इस मौके उप्पर बच्चें गी दस्सेआ गेआ जे शांति, सौहार्द ते विकास हासल करने लेई बापू जी दे सिद्धांत बड़े जरूरी न।

<><><><><><>

Dy.CM

प्रशासनिक ते नागरिक बुनियादी ढांचे गी बदाने दी बक्खी इक बड़ी महत्व आहली गें दे तौरा पर उपमुख्यमंत्री सुरेंद्र चौधरी होरें नौशहरा दे डाक बंगले च कांफ्रेंस हाल गी होर सवारिये ओदा दर्जा बदाने ते पलाश नौशेरा गी नमें सिरेआ तैयार करने लेई नीह पत्थर रक्खेआ। 2 करोड़ 49 लक्ख 39ज्हार रपे दी मंजूर रकम कन्नै कांफ्रेंस हाल गी होर संवारने दा मकसद इस खेतर च कांफ्रेंस ते बैठकें दी सुविधा च होर सुधार करना ऐ।

<><><><><><>

Ramban Organic Farming

जैविक राई-बाई, सेहत ते पर्यावरण सने सब्बै जीव जंतुएं दी दिक्खभाल दे सिद्धांतें उप्पर आधारित ऐ। एह राई-बाई आस्तै इक विजन बी उपलब्ध करोआंदी ऐ जेड़ी पर्यावरण मताबक राई-बाई ते उत्पादन गी प्रेरित करदी ऐ। रामबन जिले च राईबाई खेतर च तेजी कन्नै तरक्की दिक्खी गई ऐ। रामबन दा राई-बाई मैहकमा करसानें गी राई-बाई कन्नै आमदनी च बाददा करने ते जैविक राई-बाई अपनाने लेई रसद, तकनीकी ते भौतिक मदद दिंदा ऐ। करसानें गी हाइब्रिड बीएं, औजारें, पानी दी पाइपें, वर्मी कम्पोस्ट यूनिट्स बगैरा दी मदद, जैविक राई-बाई ते ऑफ सीजन फसल उगाने दा रोल उत्पादन हासल होआ'रदा ऐ। लाभार्थी करसानें चा इक नै गल्लबात करदे होई आखेआ।

<><><><><><>

CM Mumbai

मुख्यमंत्री ओमर अब्दुल्ला होरें जंदी संझां मुंबई च बैठकें, प्रोत्साहनें, सम्मेलनें ते प्रदर्शनिं सरबंधी एम.आई.सी.ई. कार्यक्रम दरान उच्ची सतह दिआं केई सारी बैठकां लाइयां। इस दरान बक्ख-बक्ख खेतरें च साथ-सैहयोग बधाने पर मुख् करी ध्यान केन्द्रित कीता गेआ जिंदे च खेड्डें, फैशन, कला, आरोग्य, सेहत दिक्खभाल ते तकनीकें आहले खेतर शामिल न। इ'नें बैठकें च मुख् बैठक गोल्फ दे खेतर दी मन्नी-परमन्नी दी शख्सियत विजय अमृतराज ते उंदी टीम कन्ने लाई गेदी बैठक ही जिस दरान जम्मू-कश्मीर च गोल्फ सरबंधी सैलसफा गी बढ़ावा देने ते खेड्डें सरबंधी ढांचा विकसित करने बारें चर्चा कीती गेई। इससै चाल्ली देशै दी मन्नी-परमन्नी दी फैशन डिजाईनर अनिता डोंगरा ते उंदी टीम नै कश्मीर दे पारंपरिक टल्लें ते दस्तकारी उत्पादें गी आलमी सतह दे मंच तोहड़ी पुजाने बारें चर्चा कीती। तोआई मन्ने-परमन्ने दे प्रधान खानसामा विकास खन्ना ते उंदी टीम कश्मीर दे अनोखे व्यंजनें राहें पाकशास्त्र कन्ने सरबंधत पर्यटन ते सांस्कृतिक आदान-प्रदान गी बढ़ावा देने बारें गल्लबात कीती। एहदे अलावा आरोग्य खेतर दे माहिर मिकी मेहरा होरें आरोग्य सरबंधी पर्यटन गी कश्मीर दे खूबसूरत इलाकें कन्ने जोड़ने सरबंधी रणनीति उप्पर लोs पाई।

<><><><><><><>

Health-Minister

सेहत, मेडिकल शिक्षा, समाज कल्याण ते शिक्षा मंत्री सकीना इतू होरें अज्ज इक उच्च स्तरीय बैठक दी अध्यक्षता कीती जेदे च पूरे केंद्र शासित प्रदेश च 100 दिनें दे टी.बी उन्मूलन अभियान दी प्रगति दी समीक्षा कीती। आकाशवाणी जम्मू दे संवाददाता दी रिपोर्ट मूजब इस बैठक दरान मंत्री होरें सरबंधत डिप्टी कमिशनर ते सरबंधत सी.एम.ओ, ज गी खासतौर पर गोल्ड जोन जिलें च जांच ते गतिविधियें गी तेज करने लेई आखेआ तां जे ओह टी.बी मुक्त जिलें दा दर्जा हासल करी सकन। मंत्री होरें सेहत अधिकारियें ते जिला प्रशासकें गी बी हिदायतां दित्तियां न जे ओह जांच गी बार-बार करने, लोकें तगर पुज्ज बनाने बारें कार्यक्रम चलाने ते समुदाय दी भागीदारी च बाददा करन तां जे इस बमारी दे फैलाव गी असरदार ढंग्गै कन्ने रोकेआ जाई सकै।

<><><><><><><>

Anti-Leprosy Day

डोडा च कुष्ठ रो बारे जागरूकता लेई केई सारी गतिविधिएं दा सरिस्ता कीता गेआ। एहदा मकसद कुष्ठ रोग बारे लोकें च जागरूकता पैदा करना हा। इस सरबंध्य च मुख कार्जक्रम ए.एन.एम.टी स्कूल डोडा च होआ जित्थे प्रतिभागिएं इस रोग गी खत्म करने आस्तै कम्म करने दा प्रण पाया। डोडा दे मुख मेडिकल अफसर होरें इक जागरूकता वैन गी झंडी दस्सिए रवाना कीता जेड़ी जिले दे बक्ख-बक्ख ब्लॉकें शा हुंदी होई जाग। 13 दिन दे इस अभियान तैहत लोकें च इस रोग प्रति जानकारी फैलाई जाग ते इसी खत्म करने लेई सरकार दे जत्नें बारे बी लोकें गी अवगत करोआया जाग। इस बारे होर जानकारी दिंदे होई डोडा दे मुख मेडिकल अफसर डॉ. ओम कुमार होरें आखेआ।

<><><><><><>

Kishtwar-Fraud Cases

जम्मू-कश्मीर पुलिस दी साइबर अपराध जांच इकाई नै बक्ख-बक्ख आनलाइन धोखाधड़ी दे मामले च 12 लक्ख 24 जहार 966 रपे दी भरपाई कीती ऐ। एह बरामदगी साइबर अपराधें दे बददे खतरे कन्नै निब्बड़ने च इकाई दे सक्रिय रवैये गी उजागर करदी ऐ।

<><><><><><>